

AKASHVANI AIZAWL
REGIONAL NEWS BULLETIN

HEADLINES (EVENING)

- 1. Ramchhunga thilsiam chhuahte pho chhuahna hmunpui- PM Ekta Mall Aizawl Chawnpui venga sak tur lung phum vawiin khan Chief Minister Pu Lalduhoman a phum.
- 2. Gauhati High Court Judge, Justice Michael Zothankhuman dan chi hrang hrang hmanga hmeichhe naupangte chanvo leh humhimna zawm that a pawimawh a ti.
- 3. Aizawl District Mauchar leh Sakawrdai inkar kawng chu lirthei kal theih loh khawpin a chhiat avangin he kawngpui in a paltlang khua a chengten harsatna an tawk mek.
- 4. Ramchhung hmun hrang hrangah vawiin khan National Space Day hman a ni.



CM EKTA MALL

Ramchhunga thilsiam chhuahte pho chhuahna hmunpui- PM Ekta Mall Aizawl Chawnpui venga sak tur lung phum vawiin khan Chief Minister Pu Lalduhoman a phum a,

Chief Minister chuan International Market hawlh phaka kumthemthiamte kutchhuak zawrh chhuahna tur a nih thu a sawi a, kum 2023-24 SASCI part 6 hmanga central sorkarin a rawn ruahman a nih thu a sawi.

Mizoram Ekta Mall-ah hian state hrang hrangin mahni state dehchhuah thil phochhuahna dawr an siam anga, Mizoram pawhin state hrang hrangte Ekta Mall-ah Stall a nei ve bawk dawn bawk tih sawiin Chief Minister chuan One District One Product, Geographical Indication Product leh kut themthiamte kutchhuak thehlarna leh zawrh chhuahna hmunpui a nih dawn bawk a ti.

State leh UT te stall tur 36 leh Mizoram district tinte stall tur 11, a vaiin stall 47 tal a awm dawn thu a sawi a, thalai mi 220 vel tan hna thar a siam dawn a ni a ti.

Byte of CM..

PM Ekta Mall sa tur hian Ministry of Health & Family Welfare hnuaia Public Sector Undertaking, HLL Infra Tech Services (HITES) te hman an ni dawn a, a enfiah hna chu IIFCL in Project Management Unit angin an thawk dawn a ni.

A changtu Tourism Minister Pu Lalnghinglova Hmar pawhin thu sawiin PM Ekta Mall tih awmzia chu inpumkhatna bazarpui tihna a nih thu a sawi a. Sumdawnna hmunpui tur, a awmna veng mai bakah Mizoram tana hmun tangkai tak tur a nih thu a sawi.



WATER SCARCITY

Fur ruahtur tla in tui a tih nut nasat avang leh tunhnaiah Kawlphetha pekchhuah a khaihlak thin avangin Aizawl khawpui chhungah tui hnianghnar tawh hmuh theih a la ni lova,

Public Health Engineering department hotute chuan kawlphetha an dawn that theih loh avangin tunhnaiah tui an pump thei lo an ti a, Akashvani zawhna chhangin PHE hotute chuan Luangmual 132 kV Sub-Station tha lo avangin tui pump theih a ni rih lo a, siamthat a nih chuan tluang taka tui an pump leh theih mai an beisei thu an sawi a ni.

PHE hotute chuan tuna tui pump theih loh bakah tunhnaia tlawng tui nu avangin fur lai a ni nain khawpui chhungah tui a hnianghnar tawh thei lo tih an sawi a. Aizawl khawpui tui tur chu Greater Aizawl Water Suuply Scheme Phase I, Phase II leh Phase III hmang tea lakluh thin a ni a. Phase III bik, SIPMIU lam chu hun eng emaw chen atangin a khaihlak a. Khawpui chawm hneh turin a pathuma a tanrual a ngaih laiin pahnih chauh hman theih a ni rih tih an sawi a ni.



MAMIT NASHA MUKHT ABHIYAN

Mamit ah tukin khan Nasha Mukht Bharat Abhyaan leh Mamit Chilren Sanitation Club buatsaih ruihhlo do kawngzawh neih a ni a, Siamliana Hall, Mamit Charkawn atanga Bazar veng thlang Ruihhlo do kawngzawh hi neih a ni.

Tukin kawng zawh pual inkhawmah hian Rev. F.Lalrammawia, FG& CC Mamit chuan ruihhlo hnathawh in taksa leh rilru lam a nghawng dan te, zirlai te tan a pawina leh ti ve chhin miahlo turin kalkhawmte a chah a.

Thusawitu dang Mamit MJA President Pu Lalhuma pawhin Mamit District chu ramri dep a awm an ni a, ruihhlo chi hrang hrang hmuh tur tamtak a awm a, a ti tawh te'n sim duh em em chung pawha an sim theih loh a nih avang leh Mizo thalai nunna tamtak suat a, a hun hma a thihna thlentu ruihhlo laka fihlim turin naupangte a chah a ni.

Mamit khawpui chhunga MHIP, Khawtlang hruaitu, Save Mamit leh sawmbik dangte telin mi 180 velin kawng an zawh a ni.



SAFEGUARDING THE GIRL CHILD

Gauhati High Court Judge, Justice Michael Zothankhuman dan chi hrang hrang hmanga hmeichhe naupangte chanvo leh humhimna zawm that a pawimawh a ti.

Hmeichhe naupang te venhimna tur Guwahati High Court Juvenile Justice Committee in inrawnkhawmna State Level Multi-Stakeholders Consultation on Safeguarding The Girl Child a buatsaihah he thu hi sawiin Justice Michael Zothankhuma chuan Mizoramah a vawikhat nana hmeichhe naupang humhimna tura hmalakna buatsaih a ni chu hmasawnna pawimawh tak a nih thu a sawi a, hei hian awmze nei zawka hmeichhe naupangte humhim kawngah hmasawnna a thlen ngei a beisei thu a sawi a ni.

Byte of Justice Michael Zothankhuma.....

Social Welfare, Women & Child Development Minister Pi Lalrinpuii pawhin thusawiin hmeichhe naupangte chu an inchhungkhur mai bakah sikulah leh khawtlangah thlamuang taka an awm theih nan venpui reng a tul a ni a ti a. Minister chuan Mizoram chu ziak leh chhiar thiam tamna lamah India ramah a sang a, mipuite an vengva bawk tih sawiin hengte vang pawh hian hmeichhe naupangte humhim kawngah India ram hmun dang aiin Mizoramin a titha niin a hriat tih a sawi a. Mizo khawtlangah hmeichhiate an zalenin an vannei em em tih sawiin hetihruah hian hmasawn zel an la ngaih thu a sawi a. Hmeichhe naupangte an inchhungkhur mai bakah sikulah leh khawtlanga an himna chu sawrkar hmalakna bik tur ni lovin kohhran, khawtlang leh tlawmngai pawl hrang hrangte bakah zirtirtute nen thawhhona tha tak neih chhonzawm zel a pawimawh tih a sawi a ni.

Byte of Minister Pi Lalrinpuii

He hunah hian hmeichhia te venhimna tur zirho zui a ni a. Thupui hrang hrang zirhona leh sawihona hun chu a kaihhnawih Mizorama sorkar department hrang hrang aiawhte kaihhruaiin hman chhonzawm a ni.

<><><>

AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve ah Chanchinthar puan leh a ni ang.

<><><>

NH

Aizawl District Mauchar leh Sakawrdai inkar kawng chu lirthei kal theih loh khawpin a chhiat avangin he kawngpui in a paltlang khua a chengten harsatna an tawh mek.

Vawiin khan Serlui Group YMA chuan Mauchar leh Sakawrdai inkar kawng National Highway 306A dinhmun an enfiah a, helai kawng chhe lai hi Mizoram sawrkar in a rang thei ang bera thawm tha tur leh Contractor pawhin a chan chin Kawng chhia chu mipuiten harsatna an tawh zel loh nan siam tha vat se an duhthu an sawi a ni.

Tuerial Lei atanga Mauchar inkar hi KM 10 a thui niin, he Lei atang hian Aizawl District a in tan a, Mauchar lam panna KM 6 a thui kawng siam hna thawhtu Constn Company chuan an thawh muan avangin kumin June 24 khan hnawthawktu nihna atangin ban an ni a. Tunah hian hnathawktu tur zawnna re-tender turin ruahmanna a kal mek a ni.

Mauchar lam atanga KM 4 a thui hi Contractor thawh tur niin PCC flooring tur a ni a, Contractor hian khua a chhiat avang leh lirthei a kal hleih theih loh avangin hna an thawk thei lova, an chawl rih a ni. Mauchar hi Aizawl District a awm niin, YMA in-awpna ah chuan Tuisual Group a ni. Aizawl lam atanga Sakawrdai panna kawng hi PWD an enkawl a ni a. Kumin October thla hian Sakawrdai ah YMA General Conference neih anih dawn avangin Conference palai te tan leh heng laia cheng mipuite tan harsatna a awm loh nan Serlui Group YMA hian hma an la a ni.

<><><>

NATIONAL SAPCE DAY

Vawiin hi kum 2023-a India ramin Chandrayan 3 thla leilunga hlawhtling taka a tum tirna champha puala sorkarin ni pawimawh a puan, National Space Day a ni a, India ram pumah kawng hrang hranga hman a ni.

Mizoram Remote Sensing Application Centre (MIRSAC) Sr. Scientist Pu ZD Laltanpuia chuan Akashvani zawhna chhangin National Space Day chu nikum atang khan August ni 23-a hman thin a nih thu a sawi a. Kuminah pawh a lawmna pui ber New Delhi-ah hman a nih thu sawiin ramchhung hmun hrang hrang ah pawh hman a ni a ti.

Mizoramah chuan North Eastern Space Applications Centre (NESAC), Shillong kaihhruaina hnuaiah tun thla tir lam khan Indian Space Research Organisation (ISRO) leh MIRSAC te nen Champhaiah school leh college naupangte nen hman a nih thu a sawi a. Quiz intihsiakna bakah lecture ngaihnawm tak tak te ngaihthlak a nih thu a sawi sawiin Quiz-a pakhatna, Hmunhmeltha High School zirlaite Shillong-a NESAC-ah hruai an nih thu a sawi bawk a ni.

Byte of ZD Laltanpuia

Kumina National Space Day thupui chu ‘Aryabhatta to Gaganyaan: Ancient Wisdom to Infinite Possibilities’ tih a ni.

National Space Day pual hian Group Captain Subhanshu Shukla chuan New Delhi a Nehru Planetarium ah Aryabhatta Gallery a hawng. Thutharlakhawm tute a kawm na ah, Pu Shukla chuan India ram chuan hun tha a tawn mek thu sawiin, thangtharte chu hmasawwna thar leh tum nei tur a fuih in, an thil tum te a taka chantir tur in a fuih a ni.

<><><>